



Adresa: Ul. Hamdije Čemerlića 39.  
71000 Sarajevo  
<http://www.voda.ba>

tel. +387 33 726-400  
fax. +387 33 726-414  
e – mail: [info@voda.ba](mailto:info@voda.ba)

Broj: UP-1/21-2-40-060-3/25

Datum: 06.03.2025. godine

„Agencija za vodno područje rijeke Save“ Sarajevo rješavajući po zahtjevu investitora „AGRO MAŠIĆ“ d.o.o. Gradačac, za donošenje rješenja o vodnoj saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada farme krupne stoke sa pratećim sadržajima koja se planira graditi na zemljištu označenom kao k.č. broj 119 K.O. Turić II, Gradačac, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

### **RJEŠENJE** **o vodnoj saglasnosti**

1. Investitoru „AGRO MAŠIĆ“ d.o.o. Gradačac, daje se vodna saglasnost za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada farme krupne stoke ukupnog kapaciteta 168 grla, koja se planira graditi na zemljištu označenom kao k.č. broj 119 K.O. Turić II, Gradačac, u skladu sa projektnom dokumentacijom:  
Glavni projekat – Objekat: štala za podmladak, junice, tov sa pratećim sadržajem na zemljištu označenom kao k.č. 119 K.O. Turić II Gornja Tramošnica, Grad Gradačac, urađen od strane „PGP Hidroinžinjering“ d.o.o. Tuzla, januar 2025. godine.  
Ova saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Ova vodna saglasnost ne oslobađa podnosioca zahtjeva obaveze pribavljanja vodne saglasnosti za korištenje vode i ispuštanje sanitarnih otpadnih voda za čije izdavanje je nadležno Ministarstvo poljoprivrede, šumarstva i vodoprivrede Tuzlanskog kantona, u skladu sa članom 139. stav 2. tačka 1. i 2. Zakona o vodama kao i saglasnosti i dozvola od strane drugih nadležnih organa u skladu sa drugim Zakonima.
4. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije iz tačke 1. dispozitiva i čini sastavni dio ovog rješenja i ista se ovjerena od strane ove Agencije vraća investitoru na trajno čuvanje.
  - 4.1. Radove na izgradnji sistema za prikupljanje, odvodnju i zbrinjavanje otpadnih voda nastalih u postupku pranja i čišćenja objekata za uzgoj i pranja procesne opreme, kao i objekata za zbrinjavanje đubriva, izvesti u skladu sa ovjerenom projektnom dokumentacijom iz tačke 1. dispozitiva ovog Rješenja.
  - 4.2. Nakon izgradnje objekata za zbrinjavanje tečnog i krutog otpada (osočna i đubrišna jama), kao i kanala kojima se odvođe otpadne vode, izvršiti ispitivanja kvaliteta izvedenih radova na vodonepropusnost i bezbjednost od curenja, a u cilju zaštite površinskih i podzemnih voda.
  - 4.3. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njegove obale.
  - 4.4. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim, kao i postojeće korisnike voda.
  - 4.5. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.

- 4.6. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 06/1-19-1-2001/24 od 13.09.2024. godine izdatog od strane Gradske službe za urbanizam, investicije i komunalne poslove grada Gradačac.
5. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.
6. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
7. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl.novine FBiH“ broj: 31/15, 55/19, 41/20 i 63/22).
8. Ova vodna saglasnost prestaje važiti istekom roka od dvije godine od dana pravosnažnosti iste, ukoliko u tom periodu ne bude pribavljeno odobrenje za gradnju i započeta izgradnja objekata u skladu sa glavnim projektom iz tačke 1. dispozitiva ovog rješenja.
9. Ovo Rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **Obrazloženje**

Investitor „Agro Mašić“ d.o.o. Gradačac, pismenim zahtjevom bez broja zaprimljenim dana 11.02.2025. godine obratio se Agenciji sa zahtjevom za donošenje rješenja o vodnoj saglasnosti na izrađenu projektnu dokumentaciju za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada farme krupne stoke ukupnog kapaciteta 168 grla, na dijelu zemljišta označenog kao kč 119 KO Turić II, Grad Gradačac, a u postupku pribavljanja odobrenja za gradnju.

Uz zahtjev za izdavanje vodne saglasnosti dostavljena je sljedeća dokumentacija:

**A. Opšta dokumentacija:**

- Rješenje o izmjenama podataka, broj:032-0-Reg-23-001114 od 18.07.2023. godine izdato od strane Općinskog suda u Tuzli – kopija,
- Uvjerenje o registraciji poreznog obveznika od 01.08.2023. godine izdato od strane Kantonalnog poreznog ureda u Tuzli – kopija,
- Rješenje, broj:06/1-19-1-2001/24 od 13.09.2024. godine izdato od strane Gradske službe za urbanizam, investicije i komunalne poslove grada Gradačac – kopija,
- Rješenje o prethodnoj vodnoj saglasnosti, broj:UP-1/21-1-40-329-7/24 od 05.09.2024. godine izdato od strane Agencije za vodno područje rijeke Save, Sarajevo - kopija,
- Ugovor potpisan sa JP „Komunalac“ d.d. Gradačac,
- Obavijest, broj:12/01-1-19-36118/21 od 15.11.2021. godine izdata od strane Ministarstva prostornog uređenja i zaštite okolice Tuzlanskog kantona – kopija,
- Dokaz o uplaćenju federalnoj upravnoj pristojbi na zahtjev.

**B. Tehnička dokumentacija:**

- Glavni projekat – Objekat: štala za podmladak, junice, tov sa pratećim sadržajem na zemljištu označenom kao k.č. 119 K.O. Turić II Gornja Tramošnica, Grad Gradačac, urađen od strane „PGP Hidroinžinjering“ d.o.o. Tuzla, januar 2025. godine.

U provedenom postupku konstatovano je sljedeće:

- Izgradnja štale sa pratećim objektima i sadržajima planirana je u Gornjoj Tramošnici na dijelu zemljišta kč 119 KO Turić II, Grad Gradačac.
- Štala za smještaj 168 grla projektovana je dimenzija 80x17,25 m. U okviru objekta štale su planirani su sljedeći sadržaji: prostor za smještaj 168 grla u 8 boksova, prolazni hodnik za mašinsko čišćenje, hranidbeni hodnik. Prateći objekti uz štalu su: dva silažnika dimenzija: 71,80x7,3 m i 47,50x7,30 m ukupne površine 830,90 m<sup>2</sup>, tehnik prostor (sjeckalice za slamu), osočara i đubrenka površine 25,80 m<sup>2</sup> i 52,50 m<sup>2</sup>.
- Snabdijevanje farme vodom osigurat će se iz javne vodovodne mreže i preko mjerača protoka smještenog na postojećoj osnovnoj farmi prema uslovima propisanim od strane MZ Gornja Tramošnica kojoj je povjereno upravljanje vodnim sistemom.

- Tehnološke otpadne vode (osoka, vode od pranja podova u štalama, osoka od silažnika i dijela površine oko kruga štale) prikupljati će se sistemom kanala iz svih staja i preko sabirnih šahtova odvoditi u osočaru gdje će se vršiti taloženje i sazrijevanje. Mjesto konačnog odlaganja su vlastite poljoprivredne površine za uzgoj stočne hrane.
- Stajnjak i talog iz osočare tj. muljni talog koji će se nakupiti u osočnoj jami prebacit će se u đubrovnik 1 zajedno sa stajnjakom iz đubrovnika i odvoziti na vlastite poljoprivredne površine za uzgoj stočne hrane.
- Oborinske vode sa krovova objekata i dijela platoa ispred objekata prikupljat će se sistemom odvodnih kanala i ispuštati direktno u recipijent - povremeni potok.
- Mješoviti komunalni otpad, i ambalažni otpad (plastika i tekstilni otpad) prikupljat će se u kontejnere, a preuzimanje istog će se vršiti od strane JP "Komunalac" d.d. Gradačac.

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti, broj: UP-1/21-1-40-329-7/24 od 05.09.2024 godine, izdatog od strane Agencije za vodno područje rijeke Save, Sarajevo, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat – Objekat: štala za podmladak, junice, tov sa pratećim sadržajem na zemljištu označenom kao k.č. 119 K.O. Turić II Gornja Tramošnica, Grad Gradačac, urađen od strane „PGP Hidroinžinjeri“ d.o.o. Tuzla, januar 2025. godine, data je vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 60 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine F BiH“, broj 6/98, 8/00, 46/10, 43/13).

### Uputa o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 (petnaest) dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: mr.sc. Selma Merdan, dipl.inž.geol.

Prilog:

- Tehnička dokumentacija navedena pod tačkom B obrazloženja Rješenja

Po ovlaštenju  
Rukovodilac sektora za izdavanje vodnih akata

  
Mihad Pezo, dipl.inž.građ.

Dostaviti:

– „AGRO MAŠIĆ“ d.o.o. Gradačac, Gornja Tramošnica bb, 76250 Gradačac, (sa prilogom),

➤ AVP-ISV -Vodna knjiga,

- Sektor 40, arhiva,

- Oglasna ploča AVP-Sava Sarajevo